

Assartuutinut, inuussutissarsiummik ingerlataqartunut, pisortat suliffeqarfiutaannut, katerisimaartarnernut allanullu tunngatillugu killilersuigallarnert inerteqquteqartitsinerillu pillugit Namminersorlutik Oqartussat nalunaarutaat nr. 17, 29. maj 2020-meersoq Atuussimasoq (Historisk)

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allangortinneqartumi, §§ 6, 12 a aamma 12 b, aamma § 29, imm. 2 malillugit aalajangersarneqarpoq:

Atuuffii

§ 1. Nalunaarut Kalaallit Nunaannut tamarmut atuuppoq.

Imm. 2. Nalunaarut napparsimavinnut, nakorsiartarfinnut kiisalu nakorsiartarfinnut namminersortunut niuertarfinnilu peqqissaanermik naalagaaffimmit akuerisaallutik ingerlatani ingerlatsisunut atorfeqartitsiffiusunullu atuutinngilaq.

Ininut kikkunnilluunniit iserfigineqarsinnaasunut piumasaqaatit

§ 2. Inuussutissarsiummik ingerlatallit aamma suliffeqarfiit pisortanit pigineqartut ininik kikkunnit tamanit iserfigineqarsinnaasunik pigisallit piumasaqaatinik makkuninnga naammassinnissimassapput:

- 1) Inuit ininut qatserisartoqarfinni oqartussaasunik akuerineqarsimasunut isersinnaatitaasut amerlanerpaaffissaasa 50% akuerineqarsinnaapput.
- 2) Init ajornangippat imatut pequsersorsimassapput tuniluunnissaq minnerpaaffianiitinneqassalluni, tassunga ilaalluni pisisut pulaartullu imminnut qanillinnginnissaat periarfissaqartillugu.
- 3) Inimi ininiluunniit tamanit iserfigineqarsinnaasuni eqqiliusaarnissaq ileqqorissaarnissarlu pillugit Nunatta Nakorsaaneqarfianiit paasissutissanik nivinngaasoqassaaq.
- 4) Sulisut tamarmik Nakorsaaneqarfiup eqqiluisaaqqissaarnissamik ileqqorissaarnissamillu innersuussutaanik malinninnissaat qulakkeerneqassaaq.
- 5) Pisisunut pulaartunullu ajornangippat imermik qaqorsaammillu imaluunniit assammut spritimik peqassaaq.
- 6) Nerisassanik poortorneqarsimangitsunik tuniniaanermi sulisut aaqqateqassapput.

§ 3. Inuussutissarsiummik ingerlatalik politiit naliliinerat malillugu § 2-mik unioqqutitsisimappat, inuussutissarsiummillu ingerlatalik § 2-mik malinninnissaa ilimagineqangippat, inimik piffissami

aalajangersimasumi tamanut matoqqatitsinissaannik politiit peqqusinnaapput.

Assartuutitut piumasaqaatit

§ 4. Angallassitutit issiaffiusinnaasut qaangerlugit ilaasoqaqqusaanngillat.

Pineqaatissiissutit

§ 5. Inummut §§ 2-mik imaluunniit § 4-mik unioqqutitsisumut imaluunniit § 3, malillugu peqqusinerimik malinnikkumangitsumut Kalaallit Nunaannut Pinerluttulerinerimik Inatsit malillugu pineqaatissiisoqarsinnaavoq.

Imm. 2. Ingerlatseqatigiiffiit il.il. (inatsisilerinerimi inuttut immikkoortutut isigineqartut) pinerluttulerinerimik inatsimmi kapitali 5-imi malittarisassat malillugit pinerluttulerineq pillugu inatsiseqartitsinikkut akisussaatinneqarlutik pineqaatissinneqarsinnaapput.

Atuutilersitsineq aamma atuunneranut piffissaliussaq

§ 6. Nalunaarut ulloq 2. juni 2020 atuutilissaaq.

Imm. 2. Nalunaarut malillugu killilersuinerit, inerteqquteqartitsinerit, peqqusinerit il.il. 15. juni 2020 tikillugu atuutissapput.

Namminersorlutik Oqartussat, ulloq 29. maj 2020

Anna Wangenheim

/

Tine Pars